



Aqqaluk Heilmann
Atassut sinnerlugu Inatsisartunut ilaasortaaitaq

§ 37 naapertorlugu apeqquut 33/2019-imut akissut

29-01-2019
Sags nr. 2019 - 1248
Akt nr. 9826830

1. Nunatsinni nakorsat namminersortut aallartinnissaminut periarfissaqarpat?

Postboks 1160
Tlf: 34 50 00
Fax: 34 55 05
3900 Nuuk

Akissut:

Nakorsat nunatsinni namminersortutik suliffiuteqarnissamik kissaateqartut nakorsiartarfimmik aallartitsinissamut periarfissaqarpat.

Email: pn@nanog.gl
www.naalakkersuisut.gl

Nakorsiartarfimmik namminersortutik ingerlatsiniaraanni nakorsatut suliaqarneq pillugu kunngip peqqussutaani Kalaallit Nunaannut atuutsinneqartumi nr. 860/1991-imi § 2 aamma 3-mi erseqqinnerusumik erseqqissaatigineqartut malillugit nakorsap namminersortutik suliffiuteqarsinnaatitaanissaa piumasaqaataavoq. Nakorsat namminersortutik suliffiuteqarnissaminik kissaateqartut ingerlaqqiffiusumik allatut ilinniarsimanissaat pillugu malittarisassanik aalajangersagaqanngilaq.

Nunatsinni Nakorsaaneqarfiup sulinera pillugu Namminersortutik Oqartussat nalunaarutaanni nr. 7, 15. juni 2017-imeersumi § 7, imm. 2 naapertorlugu peqqinnissaqarfiup avataani peqqinnissaq pillugu ilinniarsimasutut sulisut aammalu peqqissaanermik avataanni suliaqarfiit namminersortut tamaasa Nunatsinni Nakorsaaneqarfimmit nakkutigineqarput.

2. Nakorsat namminersorniarlutik nunatsinni aallartikkumasut suut aporfigisarpaat?

Akissut:

Nakorsaq namminersortoq misissuinernik katsorsaaneqarnillu sorlernik neqeroorteqarusunnersoq apeqquutaalluni atortunik pisinnermut sulisunillu immikkut ilisimasalinnik atorfinitsinermut atatillugu aallarnisarnermut ingerlatsinermullu aningaasartuuteqartoqassaaq.

Nakorsaq laboratoriamut isersinnaatitaassasoq imaluunniit misissugassanik pisariaqartinneqartunik laboratoriamut innersuussisinnaassasoq aallaaviatigut naatsorsuutigineqartariaqarpoq. Tamanna aamma atuuppoq assersuutigalugu qinnguartaalluni ultralydiluunniit atorlugu misissuisoqassatillugu aammalu nakorsaatiniq tunniussisoqassatillugu.

Namminersortutik ingerlataqartut maleruagassiorneqarnissaat sullinneqarnissaalluunniit inatsimmi maannangaq isiginiarneqanngilaq.

3. Nunatsinni nakorsat namminersortut nakorsaatiniq nakorsiartumut tunioraasinnaappat?

Nakorsaq nakorsaatinik nammineq akilikkaminik tunniussinissamut periarfissaqarnerseq matumani pineqarpat pineqartup taamaallaat periarfissaraa nakorsaatinik pisiortornissamut Nunatta Nakorsaataasivianit imaluunniit amerlasuunngorlugit tunisisartumit pisinissamut akuerineqarnissaq (Nakorsaatit pillugit peqqussummi §9).

4. Nakorsat namminersortut nakorsaatinik nunatta peqqinnissaqarfianut innersuussisinnaappat?

Matumani innersuussutigineqarput "peqqinnissaqarfimmi sullissinerit atuisullu akiliuteqartarnerat pillugu nalunaarummi" kap. 4-mi §18-20, tassani tamatumunnga tunngasut maleruagassiorneqarlutik. Nakorsamit, kigutigissaasumit peqqinnissaqarfimmiluunniit sulisumit akuerisaasumit allamit allaganngorlugu innersuussummik peqartoqarpat nakorsaatit akeqanngitsumik tunniussisoqarsinnaasoq §19-imi oqaatigineqarpoq. Pineqartoq peqqinnissaqarfimmi sulisuusariaqarnerseq allassimanngilaq. Taamaalillunilu tamanna ima paasineqartariaqarpoq nakorsaq kigutigissaasorluunniit namminersortoq allaganngorlugu innersuussisinnaasoq Peqqinnissaqarfimmi pisortatigoortumi tiguneqarsinnaasunik.

Allaganngorlugit innersuussutinik amerlasuunik suliaqarnissamut Peqqinnissaqarfik naleqqussarneqanngilaq. EPJ-ip nutaap atuutsinneqalernerata kingorna peqqinnissaqarfimmi uppernarsaatit innersuussutillu tamarmik Cosmicimi inissineqarput, taannalu nakorsap namminersortup ingerlaannaq iserfigisinnaassanngilaa.

Apeqquut 3-mut akissut naapertorlugu nakorsaq namminersortoq sulinermi atugassaminik nakorsaatinik pisiortornissamut eqqussinissamullu immaqalu napparsimasunut tunniussinissaminut akuersissuteqaqqaassaaq.

Inussiarnersumik inuulluaqqusillunga
Med venlig hilsen


Martha Abelsen